

To: basircollaku@yahoo.com;

Kthim pergjigje Nr. 147

I nderuar Z. Çollaku!

Në përgjigje të kërkesës tuaj dërguar elektronikisht, në kuadër të Ligjit 119/2014 datë 18.09.2014 “Për të drejtën e informimit”, regjistruar me nr. 147 në regjistrin e "Kërkesave dhe Përgjigjeve", pas shqyrtimit të kërkesës, e cila ishte në përputhje me nenin 11 të ligjit të sipërcituar, ju informojmë si më poshtë vijon:

Në lidhje me procedurën e ndjekur për trajtimin e çështjeve lidhur me subjektet "Mare Adriatik " shpk me NIPT K36924001T dhe subjektin "Babani M.G" me NIPT L26331005A, pas konsultimit të akteve ligjore, ju bëjmë me dije se:

Për qëllim të pronësisë, kuota dhe aksioni trajtohen ndryshe nga kapitali i shoqërisë. Është e rëndësishme të kihet parasysh që, kapitali është në pronësi të shoqërisë (shpk ose sha qoftë ajo), ndërsa aksioni dhe kuota janë tituj në pronësi të individit ose personit juridik mbajtës të tyre. Këto tituj pronësie, pavarësisht emërimit të tyre, nga pikëpamja juridike dhe tatimore, në vetvete i japin mbajtësit të tyre të drejtën për pjesëmarrjet dhe ndarjet e fitimeve të shoqërisë.

Kuota dhe aksioni, edhe pse janë tituj pronësie të një lloji pasurie të veçantë, në çdo rast rrjedhin nga kontribute që janë bërë për qëllim të krijimit ose zhvillimit të shoqërisë. Mbajtësi i tyre, në çdo rast, zotëron nëpërmjet tyre, në mënyrë të tërthortë të drejta mbi sende të luajtshëm apo të paluajtshëm, nga të cilat burojnë kuotat apo aksionet. Megjithatë, në respektim të parimit bazë ekonomik dhe tatimor, përse kuota apo aksioni konsiderohet një titull pronësie, nga mbajtja dhe përdorimi i të cilit realizohen përfitime ekonomike, pra qëllimi i mbajtjes dhe përdorimit të tyre është për përfitime ekonomike, çdo tjetërsim i tyre, sipas rastit dhe në varësi të kushteve specifike të tjetërsimit, duhet të konsiderohet si një transaksion i tatueshëm.

Legjislacioni tatimor në fuqi, në dispozitat e ligjit nr.8438, datë 28.12.1998 “Për tatimin mbi të ardhurat”, i ndryshuar shprehet në mënyrë të qartë se dhurimet e pasurisë së paluajtshme, i trajton si shitje të tyre dhe kërkohet pagimi i tatimit mbi fitimin kapital të realizuar nga shitja.

Për dhurimet e formave të tjera të ndryshme nga pasuria e paluajtshme, siç mund të jenë, dhurime të aksioneve/kuotave, nuk kemi përcaktime eksplicite në dispozitat e legjislacionit tatimor në fuqi. Për këtë, kur mungojnë përcaktime eksplicite, duhet gjykuar në logjikën e taksimit të ndershëm në mënyrë që të minimizohen hapsirat e shmangies duke siguruar shpërndarje korrekte të barrës tatimore mbi tatimpaguesit.

Personit të cilit i dhurohen aksionet/kuotat, nuk bëhet përgjegjës për ndonjë tatim, por ai do jetë subjekt i tatimit nëse i shet këto kuota dhe realizon fitim kapital prej tyre. Në rastin e dhurimit të aksioneve/kuotave vlera nominale e aksionit/kuotës që do të përfitohet nga përfituesi i dhurimit do të jetë vlera nominale apo e blerjes së aksionit/kuotës nga dhuruesi i aksionit/kuotës dhe jo vlera e aksionit/kuotës në momentin e dhurimit.

Sa më sipër, për transaksionet në fjalë nuk kanë lindur detyrime tatimore, përderisa për personin i cili dhuron aksionet/kuotat aktet nënligjore nuk e përmendin dhe nuk e klasifikojnë si të tatueshën fitimin kapital nga dhurimi i kuotave.

Drejtoria Rajonale Tatimore e Shkodrës do të mbajë nën monitorim të vazhdueshëm rastet e lartëpërmendura, për kontroll të dokumentacionit dhe transaksioneve të kryera nga këto subjekte.

Faleminderit për mirekuptimin.

Pune te mbare

Hermelinda Hysenaj
Specialiste e Sektorit të Asistencës dhe Sherbimit
Drejtoria e Sherbimit ndaj Tatimpaguesve
DREJTORIA E PËRGJITHSHME E TATIMEVE
Tel Office : 04 2276 840
Web: www.tatime.gov.al